



Cwestiynau Cyffredin Bwrsariaeth 2 flynedd 'clymu' ac ymrwymiad i weithio yng Nghymru.

CYFLWYNIAD

Mae Llywodraeth Cymru, drwy GIG Cymru, yn ariannu addysg a hyfforddiant a gyfer amrywiaeth o Gyrsiau Addysg Iechyd, (fel y nodir hynny yn Atodiad 1). Mae yna nifer o gynlluniau ariannu, ac un o'r rhai hynny yw Cynllun Bwrsariaeth GIG Cymru; mae'r arian sydd ar gael drwy'r cynllun yma yn cynnwys y canlynol:

➤ costau ffioedd dysgu ➤ bwrsariaeth ar gyfer costau byw, yn cynnwys grant o £1,000 nad yw'n destun prawf modd ➤ bwrsariaeth sydd yn destun prawf modd. Hefyd mae myfyrwyr yn cael cymorth tuag at gostau megis teithio, llety (tra ar leoliad), Gofal Plant, Lwfans myfyrwyr Anabl, Lwfans Dibynyddion a Lwfans Dysgu i Rien. ➤ Os byddwch yn gymwys, byddwch yn cael mynediad i fenthyciad myfyriwr gostyngedig (yn ddarostyngedig i Reoliadau Benthyciadau Myfyrwyr)

Gyda'i gilydd fe elwir hyn yn Gynllun Bwrsariaeth GIG Cymru. Pwrpas Cynllun Bwrsariaeth GIG Cymru ("y Cynllun") yw darparu cymorth ariannol i'r myfyrwyr sydd yn dilyn Cyrsiau Addysg Iechyd a'u hysgogi i weithio yn y sector gofal iechyd yng Nghymru ar ôl iddynt gymhwyso.

Mae myfyrwyr yn cofnodi eu bwriad ar System Gofrestru Addysg Iechyd Gwasanaethau Dyfarniadau Myfyrwyr NWSSP.

Cafodd myfyrwyr a ddechreuodd ar eu hastudiaethau yn y flwyddyn academiaidd o Fedi 2017 ymlaen, ac a ymrwymodd i weithio yng Nghymru am y ddwy flynedd ar ôl cwblhau eu cwrs (mae gwahanol amserlenni yn gymwys i gyrsiau sydd yn hirach neu yn fyrrach na thair blynedd) fynediad at arian y GIG fel y nodir uchod er mwyn talu am gostau hyfforddi. Wrth ddechrau ar y rhaglen hon, ni fydd unigolion nad ydynt yn teimlo y gallent ymrwymo i'r cyfnod cyflogaeth penodol yma yn gymwys i dderbyn buddion Cynllun Bwrsariaeth GIG Cymru; ond byddant yn gallu astudio yng Nghymru a chal mynediad at y cymorth canlynol:

➤ Gall myfyrwyr sydd yn hanu o Gymru nad ydynt yn dymuno ymrwymo i weithio yng Nghymru ar ôl cwblhau eu cwrs, gael mynediad at y pecyn cymorth safonol i fyfyrwyr sydd ar gael gan Gyllid

Myfyrwyr Cymru. Noder os gwelwch yn dda nad yw unigolion sydd eisoes yn meddu ar radd gyntaf ac sydd yn ymgymryd â rhaglen cyn cofrestru e.e. rhaglenni Ffisegwyr Cyswllt, MSc/PG Dip Nyrsio, PG Dip Dietetigau a PG Dip Therapi Galwedigaethol, yn gymwys i wneud cais am fenthyciad myfyrwyr gostyngedig, ond bydd ganddynt fynediad at holl elfennau eraill Cynllun Bwrsariaeth GIG Cymru.

➤ Bydd myfyrwyr nad ydynt yn hanu o Gymru, nad ydynt yn dymuno ymrwymo i weithio yng Nghymru, yn parhau i fod yn gymwys i astudio yng Nghymru, ond bydd angen iddynt sicrhau arian o ffynhonnell arall, gallai hynny gynnwys arian gan y corff ariannu perthnasol yn eu gwlad eu hunain neu hunan ariannu etc.

Ar ôl i fyfyrwyr gael cynnig lle hyfforddi gan ddarparwr cytunedig GIG Cymru, byddant yn penderfynu a ydynt yn dymuno ymrwymo i weithio yng Nghymru cyn gwneud cais am naill ai Fwrsariaeth GIG Cymru neu'r pecyn arian myfyrwyr safonol.

Petai myfyrwyr yn dymuno derbyn y cynnig o gael arian gan y Cynllun, bydd yn ofynnol iddynt lofnodi Telerau ac Amodau Cynllun Bwrsariaeth GIG Cymru ("Telerau ac Amodau'r Fwrsariaeth"), ac mae drafft ohonynt ar gael yma.....(gosod dolen).

Mae'r adran nesaf yn nodi mwy o wybodaeth mewn perthynas â'r Cynllun ar ffurf cwestiynau cyffredin, ynghyd â'n hymateb.

CWESTIYNAU CYFFREDIN

1. Pa gyrsiau sydd yn gymwys ar gyfer Cynllun Bwrsariaeth GIG Cymru? Ateb

Mae hyn yn gymwys i'r cyrsiau hynny a nodir yn Atodiad 1.

2. A yw'r ymrwymiad i weithio yng Nghymru yn un am 2 flynedd ar ôl cwblhau fy nghwrs, beth bynnag fo hyd fy nghwrs? Ateb

Mae cyfnod yr ymrwymiad i weithio yng Nghymru yn amrywio, yn dibynnu ar hyd eich cwrs. Er enghraifft, os yw eich cwrs yn un 3 blynedd, mae'r ymrwymiad i weithio yng Nghymru yn un 2 flynedd ar ôl cwblhau eich cwrs.

Ond byddai eich ymrwymiad i weithio yng Nghymru ar ôl cwblhau eich cwrs yn cael ei ostwng i 18 mis petai eich cwrs ond yn para am 2 flynedd.

Gweler Cymal 10.1 Telerau ac Amodau'r Fwrsariaeth, sydd yn esbonio cyfnod yr ymrwymiad sydd yn ofynnol ar gyfer pob cwrs ("Cyfnod Gofynnol").

3. A oes raid i mi fod yn byw yng Nghymru i gael mynediad at Gynllun Bwrsariaeth GIG Cymru? Ateb Na.

4. Rwyf yn hanu o Gymru ac eisiau astudio y tu allan i Gymru, alla i gael mynediad at Gynllun Bwrsariaeth GIG Cymru os byddaf yn ymrwymo i weithio yng Nghymru ar ôl cwblhau'r astudiaethau? Ateb

Na, mae Bwrsariaeth GIG Cymru ond ar gael i fyfyrwyr sydd yn astudio yng Nghymru ac sydd wedi ymrwymo i weithio yng Nghymru am y "Cyfnod Gofynnol" ar ôl iddynt gwblhau eu cwrs.

5. Ar ôl i mi dderbyn arian gan Gynllun Bwrsariaeth GIG Cymru, alla i ailfeddwl a gwneud cais am fenthyciad myfyriwr llawn? Ateb

Dan amgylchiadau arferol ni fyddwch yn gallu newid y llwybr ariannu. Ond mewn amgylchiadau eithriadol bydd eich cais i newid llwybr ariannu yn cael ei ystyried drwy fecanwaith apelio (drwy'r broses apelio y cyfeirir ati o dan gymal 14 Telerau ac Amodau'r Fwrsariaeth). Ar ôl i chi gwblhau eich cwrs, bydd yn ofynnol i chi gwblhau cyfnod yn gweithio yn y GIG yng Nghymru yn ddibynnol ar faint o fwrsariaeth yr ydych wedi ei derbyn, neu gallech ad-dalu ffioedd y cwrs yr ydych wedi eu derbyn hyd y dyddiad hwnnw. Manylir ar hynny yn Atodiad 2 y ddogfen hon.

6. Beth yw'r terfyn amser ar gyfer gwneud cais am arian gan Gynllun Bwrsariaeth GIG Cymru? Ateb

Dylech wneud cais am eich bwrsariaeth GIG -

(<http://www.nwsspstudentfinance.wales.nhs.uk/home>) cyn gynted ag ydych yn bendant wedi derbyn cynnig gan y brifysgol o'ch dewis. Y dyddiad hwyraf ar gyfer gwneud cais am arian yw deng wythnos ar ôl dechrau ar y cwrs.

7. Beth os na fyddaf yn gwneud cais ar gyfer Cynllun Bwrsariaeth GIG Cymru o fewn yr amserlen a nodir uchod? Ateb

Ni fyddwch yn gallu gwneud cais am Fwrsariaeth y GIG.

8. Ar ôl i mi dderbyn benthyciad myfyriwr, alla i ailfeddwl a gwneud cais am arian gan Gynllun Bwrsariaeth GIG Cymru? Ateb

Dan amgylchiadau arferol ni fyddwch yn gallu newid y llwybr ariannu. Ond mewn amgylchiadau eithriadol bydd eich cais i newid llwybr ariannu yn cael ei ystyried. Os dymunwch newid llwybr ariannu, gofynnwch i'ch prifysgol e-bostio HEIW.EdCommissioning@wales.nhs.uk gan roi sail resymegol ynghylch pam yr ydych yn dymuno newid. Yna bydd unrhyw achosion o'r fath yn cael eu hystyried yn unigol a bydd penderfyniad yn cael ei wneud gan HEIW a hynny yn cael ei gyfathrebu i'r myfyriwr. Os bydd y myfyriwr dan sylw yn anhapus gyda'r penderfyniad, bydd gan y myfyriwr hawl i

apelio yn erbyn penderfyniad o'r fath drwy fecanwaith apelio fel y nodir hynny yng Nghymal 14 Telerau ac Amodau'r Fwrsariaeth.

9. A fydd Cynllun Bwrsariaeth GIG Cymru neu fenthyciad myfyrwyr llawn yn rhoi mwy o incwm i mi tra'n astudio? Ateb

Bydd hynny yn dibynnu ar eich amgylchiadau unigol; bydd angen i chi ystyried eich cymhwysedd i dderbyn arian yn erbyn meini prawf y ddwy system:

www.nwsspstudentfinance.wales.nhs.uk/home

www.studentfinancewales.co.uk/

10. Os byddaf yn derbyn Bwrsariaeth GIG Cymru ac y byddir yn gofyn i mi adael y cwrs (e.e. oherwydd methiant academaidd, methiant ar leoliad, addasrwydd i ymarfer neu salwch) neu'n penderfynu gadael y cwrs oherwydd nad dyna'r cwrs priodol i mi hyd at ei ddiwedd, a fydd raid i mi ad-dalu'r arian a gafwyd gan Gynllun Bwrsariaeth GIG Cymru? Ateb

Na, ni fyddwch yn atebol i wneud unrhyw daliad. Ond byddwch yn ymwybodol o'r canlynol:

a) Drwy beidio cwblhau eich cwrs ni fyddwch yn gymwys i gael eich cofrestru i weithio fel gweithiwr gofal iechyd proffesiynol, b) Os ydych yn fyfyrwr blwyddyn olaf sydd yn tynnu'n ôl ac yn cwblhau eich cwrs yn rhywle arall, ar ddyddiad diweddarach, byddwch yn atebol i ddychwelyd y ffioedd yr ydych wedi eu derbyn.

11. Rwyf yn derbyn y pecyn bwrsariaeth i fyfyrwr. Beth yw'r broses ar gyfer cadarnhau fy ymrwymiad i weithio yng Nghymru ar ôl cwblhau'r cwrs? Ateb

Er mwyn i chi dderbyn y fwrsariaeth a ddyfernir i chi, byddech wedi cadarnhau yn electronig eich ymrwymiad i weithio yng Nghymru ar ôl cwblhau eich cwrs drwy wefan NWSSP (h.y. pan wnaethoch gais am y fwrsariaeth?).

12. Beth yw'r System Gofrestru Addysg Iechyd Cymru? Ateb

Hon yw'r system a ddefnyddir gan yr HOLL fyfyrwr i gofrestru eu bwriad i ymgymryd â chwrs addysg iechyd a phan ofynnir i chi a ydych yn dymuno ymrwymo i weithio yng Nghymru ar ôl cwblhau eich cwrs. Y ddolen yw: www.nwsspstudentfinance.wales.nhs.uk/home

13. Beth fydd yn digwydd os na fyddaf yn cofrestru ar System Gofrestru Addysg Iechyd Cymru? Ateb

NI FYDDWCH yn gymwys i wneud cais ar gyfer Cynllun Bwrsariaeth GIG Cymru ac ni fyddwch yn gymwys i wneud cais i gael mynediad at drefniadau Cyllid Myfyrwyr Cymru.

14. Os na fyddaf yn dymuno cael mynediad at Gynllun Bwrsariaeth GIG Cymru, i bwy yr wyf yn gwneud cais am gyllid myfyrwr? Ateb

Bydd hynny yn dibynnu ar y trefniadau yn eich gwlad gartref.

I ddechrau bydd raid i chi gofrestru ar System Gofrestru Addysg Iechyd Cymru a chadarnhau nad ydych yn dymuno ymrwymo i weithio yng Nghymru ar ôl cwblhau'r cwrs.

➤ Os mai eich gwlad gartref yw Cymru gallwch wneud cais i Gyllid Myfyrwyr Cymru er mwyn cael mynediad i'r system benthyciadau myfyrwyr www.studentfinancewales.co.uk. Noder os gwelwch yn dda nad yw hynny yn gymwys i gyrsiau Ffisegwyr Cyswllt PG Dip, MSc/PG Dip Nyrsio, PG Dip Dietetigau a PG Dip Therapi Galwedigaethol. ➤ Os mai eich gwlad gartref yw Lloegr, ewch i www.gov.uk/contact-studentfinance-england ➤ Os mai eich gwlad gartref yw Yr Alban ewch i www.saas.gov.uk ➤ Os mai eich gwlad gartref yw Gogledd Iwerddon ewch i www.studentfinanceneni.co.uk

15. Os na fyddaf yn derbyn arian gan Gynllun Bwrsariaeth GIG Cymru, allaf i gael mynediad at system gymorth GIG ar gyfer teithio a llety? Ateb

Gallwch, oherwydd rydym eisiau sicrhau bod pob myfyriwr yn cael profiad cadarnhaol o addysg yng Nghymru.

16. A oes gennyf hawl i gael ail fenthyciad myfyriwr er mwyn dilyn cwrs gofal iechyd naill ai yng Nghymru neu Loegr? Ateb

Os ydych yn byw yng Nghymru, hawl i un benthyciad myfyriwr yn unig sydd gennych. Bydd angen i chi gysylltu â'r corff ariannu yn eich gwlad gartref os ydych yn byw y tu allan i Gymru er mwyn penderfynu pa drefniadau sydd ar gael i chi.

Ond, gallwch gael mynediad i Gynllun Bwrsariaeth GIG Cymru hyd yn oed os ydych wedi cael benthyciad myfyriwr er mwyn ymgymryd â gradd gyntaf.

17. Ar gyfer faint o gyrsiau allaf i dderbyn Bwrsariaeth GIG ar eu cyfer? Ateb

Rydych yn gymwys i wneud cais i'r cynllun bwrsariaeth ar gyfer y cyrsiau a nodir yn Atodiad 1 Telerau ac Amodau'r Fwrsariaeth. Mae myfyrwyr sydd wedi ymrestru ar gyrsiau cyn-cofrestru BSc israddedig yn gymwys i gael uchafswm o dair blynedd o arian oni bai bod ganddynt amgylchiadau lliniarol a gadarnhawyd gan eu prifysgol. Os byddwch yn newid eich cwrs ran o'r ffordd drwy eich hyfforddiant ac y byddwch angen mwy na thair blynedd i gwblhau eich hyfforddiant, bydd angen i chi hunan-ariannu'r hyfforddiant ychwanegol sydd ei angen.

18. Os byddaf yn derbyn arian gan Gynllun Bwrsariaeth GIG Cymru, alla i drosglwyddo i gwrs arall yn y brifysgol? Ateb

Bydd raid cytuno ar hynny gyda'r brifysgol a'r comisiynwyr ymlaen llaw. Os bydd y cwrs newydd yn cael ei ariannu gan GIG Cymru (h.y. mae'n gwrs a nodir yn Atodiad 1) gellir parhau i'ch ariannu. Os nad yw'r cwrs yn un a ariennir gan GIG Cymru, neu bod yr holl lefydd ar gyrsiau a gomisiynir gan Lywodraeth Cymru yn llawn, byddir yn ystyried na fyddwch yn parhau ar eich cwrs a byddwch yn atebol i ad-dalu elfen o Gynllun Bwrsariaeth GIG Cymru.

Gweler cymal 7 Telerau ac Amodau'r fwrsariaeth.

19. Os byddaf yn derbyn arian gan Gynllun Bwrsariaeth GIG Cymru, alla i drosglwyddo i gwrs arall yng Nghymru? Ateb

Bydd raid cytuno ar hynny gyda'r ddwy brifysgol a'r comisiynwyr ymlaen llaw. Os bydd y cwrs yn cael ei ariannu gan y GIG (Atodiad 1) gellir parhau i'ch ariannu. Os nad yw'r cwrs yn un a ariennir gan y GIG byddir yn ystyried na fyddwch yn parhau ar eich cwrs. Bydd angen i chi sicrhau eich bod wedi hysbysu'r Brifysgol ynghylch eich penderfyniad i drosglwyddo. Os nad yw'r cwrs newydd yn un a ariennir gan y GIG bydd y taliadau bwrsariaeth yn dod i ben. Rhowch wybod i ddyfarniadau myfyrwyr os byddwch yn parhau i dderbyn taliadau bwrsariaeth ar ôl i chi dynnu'n ôl. Bydd yn ofynnol i chi ad-dalu unrhyw arian yr ydych yn ei dderbyn mewn camgymeriad ar ôl y dyddiad yr ydych yn tynnu'n ôl o'r rhaglen.

Gweler cymal 7 Telerau ac Amodau'r fwrsariaeth.

20. Os byddaf yn derbyn arian gan Gynllun Bwrsariaeth GIG Cymru, alla i drosglwyddo i gwrs arall y tu allan i Gymru? Ateb

Ystyrir y byddwch yn rhoi'r gorau i'ch cwrs. Bydd angen i chi sicrhau eich bod wedi hysbysu'r Brifysgol ynghylch eich penderfyniad i drosglwyddo. Rhowch wybod i ddyfarniadau myfyrwyr os byddwch yn parhau i dderbyn taliadau bwrsariaeth ar ôl i chi dynnu'n ôl. Bydd yn ofynnol i chi ad-dalu unrhyw arian yr ydych yn ei dderbyn mewn camgymeriad ar ôl y dyddiad yr ydych yn tynnu'n ôl o'r rhaglen. Gweler yr ymateb i gwestiwn 10 os ydych yn fyfyrwr blwyddyn olaf.

21. Beth yw'r cyfnod amser y disgwylir i mi ymgeisio am swyddi? Ateb

Ar gyfer cohort myfyrwyr nyrsio ac ODP Medi 2017, disgwylir i fyfyrwyr ddilyn y broses liflinio, gweler yma i gael mwy o wybodaeth: <http://www.nwssp.wales.nhs.uk/student-streamlining-scheme>. Gall myfyrwyr AHP a gwyddoniaeth Gofal Iechyd wneud cais am swyddi ar unrhyw adeg (gweler ymateb i C24 i gael mwy o fanylion). Mae'n ofynnol i chi dan Delerau ac Amodau'r Fwrsariaeth fod wedi ymgymryd â chyflogaeth addas o fewn 3 mis o gwblhau eich cwrs. Y dyddiad pryd yr hysbysir chi am eich dyfarniad yw'r dyddiad pryd y byddwch yn cwblhau eich cwrs. Noder bod "ymgymryd" â chyflogaeth addas yn cynnwys sicrhau cyflogaeth addas. Os bydd dyddiad cychwyn y gyflogaeth addas yn cael ei oedi mewn modd sydd y tu hwnt i'ch rheolaeth, ni fyddwch yn atebol am ad-dalu yn ystod y cyfnod hwnnw.

22. Os byddaf yn derbyn Bwrsariaeth GIG Cymru, a byddaf yn torri ar fy astudiaethau, sut fyddaf yn cael fy ariannu ar ôl i mi ddychwelyd? Ateb Os torrir ar eich astudiaethau bydd eich bwrsariaeth yn dod i ben. Ond bydd yr un trefniant ariannu yn aildechrau pan fyddwch yn dychwelyd.

23. Os byddaf wedi derbyn arian gan Gynllun Bwrsariaeth GIG Cymru pa gosbau fydd yn cael eu cymhwyso os na fyddaf yn cyflawni fy ymrwymiad i weithio yng Nghymru ar ôl cwblhau fy nghwrs? Ateb Byddwch yn atebol i ad-dalu rhan/yr holl arian Cynllun Bwrsariaeth GIG Cymru a ddarparwyd hyd y dyddiad hwnnw. Ni fydd costau teithio, llety ychwanegol, gofal plant, lwfans myfyrwyr anabl, lwfans dibynyddion, a lwfans dysgu i rieni yn gynwysedig. Gweler Atodiad 2 a chymal 12 Telerau ac Amodau'r Fwrsariaeth i gael mwy o fanylion.

24. Os wyf wedi derbyn arian gan Gynllun Bwrsariaeth GIG Cymru, beth fydd yn digwydd os nad oes digon o swyddi ar gael yng Nghymru? A fyddaf yn cael fy rhyddhau o fy ymrwymiad i weithio yng Nghymru? Ateb

Bydd HEIW yn gweithio gyda'ch prifysgol a chyflogwyr yng Nghymru. Bydd pob ymdrech yn cael ei wneud er mwyn sicrhau bod cyfleoedd cyflogaeth addas ar gael. Y trefniadau ar gyfer 2020 fydd: • Bydd myfyrwyr gradd Nyrsio ac Ymarferwyr Adran weithredol (ODP) yn cael gwybodaeth mewn perthynas â phroses liflinio er mwyn eu paru â swyddi priodol sydd ar gael.

- Bydd myfyrwyr AHP a gwyddonwyr Gradd (ac eithrio BSc (Anrh) Gwyddoniaeth Gofal Iechyd - Meddygaeth Niwclear a Ffiseg Radiotherapi Niwroffisioleg Anadlol a Chwsg) yn cael eu hysbysu gan NWSSP pan fo swyddi priodol ar gael ar gyfer ymgeisio amdanynt drwy swyddi GIG ddim hwyrach na 19 Ebrill 2020. Bydd dyddiadau dechrau yn cael ei cyflwyno fesul tipyn yn dibynnu ar y proffesiwn a'r nod fydd i gyflogaeth ddechrau erbyn Rhagfyr 2020. • O ystyried y nifer fechan o lefydd, bydd myfyrwyr BSc (Anrh) Gwyddoniaeth Gofal Iechyd - Meddygaeth Niwclear a Ffiseg Radiotherapi Niwroffisioleg Anadlol a Chwsg a gomisiynwyd, yn cael eu rheoli fesul achos. Bydd yn ofynnol i Fyrddau Iechyd weithio'n uniongyrchol â'r brifysgol er mwyn alinio myfyrwyr â swyddi sydd ar gael. • Os na fydd myfyrwyr wedi llwyddo i gael cyflogaeth addas naill ai ar ôl cwblhau'r broses liflinio ar gyfer graddedigion Nyrsio ac OPD NEU ar ôl gwneud cais am dair swydd ar gyfer graddedigion AHP a gwyddonol, bydd y myfyrwyr yn gallu apelio i gael eu rhyddhau o'r gofyniad yn y contract i weithio yng Nghymru. • Noder os gwelwch yn dda, bydd yn ofynnol i fyfyrwyr nyrsio ymgysylltu'n llawn â'r Broses Lliflinio Myfyrwyr, gweler yma i gael mwy o wybodaeth <http://www.nwssp.wales.nhs.uk/student-streamlining-scheme> a'r cyfnod esgoli o bythefnos ar ôl dyraniad Lliflinio. Os, erbyn hynny, na fydd myfyrwyr wedi sicrhau swydd, bydd yn ofynnol iddynt gymryd rhan mewn sgwrs yn uniongyrchol â'r Bwrdd/Byrddau Iechyd y gallent weithio ynddynt er mwyn canfod a cheisio lliniaru unrhyw rwystrau rhag derbyn swydd yn y Bwrdd Iechyd hwnnw. Os, erbyn hynny, nad ydynt wedi gallu sicrhau swydd, byddant yn gallu apelio. (Noder, oherwydd nifer uchel y swyddi nyrsio gwag ar draws y rhan fwyaf o arbenigeddau yn GIG Cymru, disgwylir y bydd yn annhebygol y bydd myfyriwr yn methu â sicrhau swydd ac eithrio mewn amgylchiadau eithriadol yn unig).

25. Os byddaf yn derbyn arian gan Gynllun Bwrsariaeth GIG Cymru, beth sydd yn cymhwyso fel cyflogaeth yng Nghymru? Ateb

Mae'n rhaid i Gyflogaeth Addas fod wedi ei leoli yng Nghymru yn y proffesiwn yr ydych wedi cael eich hyfforddi ar ei gyfer. Hefyd, gweithio mewn Cyflogaeth Addas am gyfartaledd (all gynnwys mwy nag un rôl Cyflogaeth Addas) o 22.5 awr yr wythnos, oni bai fod yna amgylchiadau eithriadol y gellir cytuno arnynt ar sail achosion unigol gyda'r Comisiynwyr.

Gweler cymal 11 Telerau ac Amodau'r Fwrsariaeth.

26. Os byddaf yn derbyn arian gan Gynllun Bwrsariaeth GIG Cymru, ac ar ôl gorffen y cwrs yn dechrau ar gynllun hyfforddiant arall a ariennir gan GIG Cymru, ym mha ffordd mae hynny yn effeithio ar fy ymrwymiad i weithio yng Nghymru? Ateb

Bydd cyfnod cyflogaeth y cwrs cyntaf yn cael ei ildio os byddwch yn ymgymryd ag ail gwrs hyfforddi a ariennir gan GIG Cymru (h.y. un o'r cyrsiau hynny a nodir yn Atodiad 1) e.e. Ymweliadau lechyd yn syth ar ôl eich cwrs cyntaf. Ond, ar adeg cwblhau'r ail gwrs bydd yn ofynnol i chi weithio yng Nghymru am gyfnod o 2 flynedd.

Gweler cymal 8 Telerau ac Amodau'r fwrsariaeth.

27. Os byddaf yn derbyn arian gan Gynllun Bwrsariaeth GIG Cymru ac y byddaf yn gadael fy nghyflogaeth yng Nghymru cyn diwedd y 2 flynedd, a fyddai'n rhaid i mi ad-dalu unrhyw beth? Ateb

Bydd, a bydd hynny yn cael ei gyfrifo drwy ddefnyddio graddfa symudol, fel y nodir hynny yn Atodiad 2, er mwyn adlewyrchu faint o amser y byddwch wedi ei weithio yng Nghymru.

Gweler cymal 10 Telerau ac Amodau'r Fwrsariaeth.

28. Os byddaf yn derbyn arian gan Gynllun Bwrsariaeth GIG Cymru ac y byddaf yn newid cyflogaeth yng Nghymru yn ystod y 2 flynedd gyntaf, a yw hynny yn arwain at unrhyw oblygiadau? Ateb

Cyn belled bod hynny yn bodloni'r gofynion fel y'u nodir yng nghwestiwn 25 uchod, ni fydd yna unrhyw oblygiadau.

29. Os byddaf yn derbyn arian gan Gynllun Bwrsariaeth GIG Cymru ac yn disgyn yn feichiog yn ystod y 2 flynedd gyntaf ar ôl cwblhau fy nghwrs, a fy mod ar gyfnod mamolaeth, a oes yna unrhyw oblygiadau? Ateb

Os ydych mewn cyflogaeth addas fel y diffinnir hynny uchod ac ar gyfnod mamolaeth, ni fydd hynny yn effeithio ar eich cytundeb. Os nad ydych wedi dechrau mewn cyflogaeth, bydd y gofyniad i chi weithio yng Nghymru yn cael ei ohirio am 1 flwyddyn. Bydd hynny yn cael ei ystyried drwy broses apelio.

30. Os byddaf yn derbyn arian gan Gynllun Bwrsariaeth GIG Cymru a byddaf yn dioddef salwch ac na fyddaf yn gallu gweithio yn ystod y 2 flynedd gyntaf ar ôl cwblhau fy nghwrs, beth yw'r goblygiadau i mi? Ateb

Bydd hynny yn cael ei ystyried fesul achos drwy broses apelio. Bydd yn ofynnol i chi gyflwyno tystiolaeth feddygol, ac yn ddibynnol ar yr amgylchiadau mae'n debygol y bydd y gofyniad i chi weithio yng Nghymru yn cael ei ohirio.

31. Os byddaf yn atebol am ad-dalu yr holl arian neu ran o'r arian a dderbyniais gan Gynllun Bwrsariaeth GIG Cymru, sut fydd hynny yn cael ei reoli? Ateb

Bydd y ddyled yn ad-daladwy yn llawn o fewn 3 mis o gael eich hysbysu am ddyfarniad eich gradd gan y Brifysgol. Cyfrifoldeb yr unigolyn yw ariannu ad-daliad o'r fath. Ond os byddwch yn gwneud cais am gyfnod ad-dalu estynedig, gofynnir i chi gysylltu ag elusen ddyled fydd yn gweithio gyda chi er mwyn sefydlu cynllun ad-dalu fforddiadwy. Bydd hynny yn cael ei adolygu gan y broses apelio ac yna gellir ei ystyried a'i dderbyn neu ei ail negodi.

Gweler cymal 12.4 Telerau ac Amodau'r fwsariaeth.

32. Sut fyddir yn fy hysbysu am o gofyniad i ad-dalu fy nyled? Ateb

Bydd HEIW yn ysgrifennu atoch yn eich hysbysu am y swm sydd yn ddyledus gennych (fel y cyfrifir hynny yn unol ag Atodiad 2) yn ychwanegol at gyfarwyddiadau ynghylch sut mae gwneud cais am estyniad (fel yr amlinellir hynny yn C 31) neu apelio yn erbyn yr ad-daliad. Os na fyddwch yn ymateb o fewn 28 diwrnod, bydd HEIW yn darparu anfoneb i chi fydd yn ad-daladwy o fewn 90 diwrnod am y swm sydd yn ddyledus gennych (fel y nodir hynny yn Atodiad 2).

33. Ar ba sail y gellir apelio yn erbyn ad-dalu dyled? Ateb

Gweler cymal 12.5 Telerau ac Amodau'r Fwsariaeth, sydd yn cyfeirio at yr amgylchiadau canlynol:-

- Dim digon o swyddi addas yng Nghymru
- Methu sicrhau swydd ar ôl mynd drwy'r broses recriwtio a nodir yn C24.
- Salwch sydd yn golygu na allwch mwyach weithio yn y proffesiwn yr ydych wedi cael eich hyfforddi ar ei gyfer.
- Cyfrifoldebau gofal fyddai yn cyfyngu ar eich gallu i weithio yng Nghymru.

34. Pa dystiolaeth fydd yn ofynnol i mi ei darparu er mwyn apelio yn erbyn y gofyniad i weithio yng Nghymru ar ôl cwblhau'r rhaglen? Ateb

- Copïau o geisiadau am swyddi. Noder os gwelwch yn dda y byddir yn cysylltu â'r rheolwr penodi ar gyfer y swyddi yr ydych wedi darparu dystiolaeth o geisiadau aflwyddiannus ar eu cyfer, er mwyn gwirio eich bod wedi cymryd rhan yn y broses recriwtio lawn.
- Tystiolaeth feddygol o'ch salwch, megis llythyr gan weithiwr Gofal iechyd proffesiynol.
- Pan fo'n briodol, dystiolaeth feddygol dibynnydd.
- Tystiolaeth sydd yn benodol i'ch sefyllfa chi y gall y panel apelio ofyn amdani er mwyn gwirio eich hawliad.

35. Sut fyddaf yn gwybod bod y gofyniad i mi weithio yng Nghymru wedi cael ei gwblhau a fy mod wedi bodloni fy ngofynion dan y contract? Ateb

Bydd HEIW yn ysgrifennu atoch i'ch hysbysu eich bod wedi bodloni gofynion y contract i weithio yng Nghymru.

Atodiad 1

Cyrsiau a Lleoliad Darparu

Darpariaeth Cyrsiau yng Nghymru

Cyrsiau darparwyr presennol a ariennir gan Lywodraeth Cymru ac sydd yn ddarostyngedig i'r ymrwymiad i weithio yng Nghymru DipHE Gwyddoniaeth Barafeddygol Ie Prifysgol Abertawe DipHE Hylendid Deintyddol Ie Prifysgol Caerdydd Ie BSc mewn Hylendid a Therapi Deintyddol Ie Prifysgol Caerdydd Ie BSc/BN Prifysgol Bangor Prifysgol Caerdydd Prifysgol Abertawe Prifysgol De Cymru Ie BSc/BN Nyrsio Plant Ie Prifysgol Bangor Prifysgol Caerdydd Prifysgol Abertawe Prifysgol De Cymru Ie BSc/BN Nyrsio Iechyd Meddwl Ie Prifysgol Bangor Prifysgol Caerdydd Prifysgol Abertawe Prifysgol De Cymru Ie BSc/ BN Nyrsio Anabledau Dysgu Prifysgol Bangor Prifysgol De Cymru Ie Bmid Bydwreigiaeth Ie Prifysgol Bangor Prifysgol Caerdydd Prifysgol Abertawe Prifysgol De Cymru Ie MSc/PG Dip Nyrsio** Ie Prifysgol Bangor Prifysgol Abertawe Ie BSc (Anrh) Gwyddoniaeth Gofal Iechyd - Ffisioleg Cardiaidd Ie Prifysgol Abertawe Ie BSc (Anrh) Gwyddoniaeth Gofal Iechyd - Awdioleg Ie Prifysgol Abertawe Ie BSc (Anrh) Gwyddoniaeth Gofal Iechyd - Gwyddoniaeth Anadlol a Chwsg Ie Prifysgol Abertawe Ie BSc (Anrh) Gwyddoniaeth Gofal Iechyd - Niwroffisoleg Ie Prifysgol Abertawe Ie BSc (Anrh) Gwyddoniaeth Gofal Iechyd - Meddygaeth Niwclear a Ffiseg Radiotherapi Ie Prifysgol Abertawe Ie

Darpariaeth Cyrsiau yng Nghymru

Cyrsiau darparwyr presennol a ariennir gan Lywodraeth Cymru ac sydd yn ddarostyngedig i'r ymrwymiad i weithio yng Nghymru

BSc (Anrh) Gwyddoniaeth Gofal Iechyd - Gwyddoniaeth Biofeddygol - Gwaed, Haint, Cellol a Geneteg Ie Prifysgol Fetropolitan Caerdydd

Ie

BSc Radiograffeg Diagnosteg

Ie Prifysgol Bangor Prifysgol Caerdydd

Ie

BSc Radiograffeg Therapiwtig

Ie Prifysgol Caerdydd Ie

BSc/PG Dip** Dietetigau Ie Prifysgol Fetropolitan Caerdydd

Ie

BSc/PG Dip** Therapi galwedigaethol

Ie Prifysgol Caerdydd Prifysgol Glyndŵr (Llwybr BSc yn unig)

Ie

BSc Ymarfer Adran Gweithredol

Ie Prifysgol Caerdydd Ie

BSc Ffisiotherapi Ie Prifysgol Caerdydd Prifysgol Glyndŵr

le

PG Dip ** Ffisiotherapi le Prifysgol Bangor le BSc Podiatreg le Prifysgol Fetropolitan Caerdydd le a BSc Therapi Llefaredd ac iaith le Prifysgol Fetropolitan Caerdydd le PGDip/MSc Astudiaethau Cyswllt Ffisegwyr ** le Prifysgol Bangor Prifysgol Abertawe le

** Bydd gan fyfyrwyr sydd eisoes yn meddu ar radd gyntaf ac sydd yn ymgymryd â rhaglen cyn-cofrestru ar lefel MSc/PG Dip fynediad at becyn bwrsariaeth y GIG ond dim mynediad at y benthyciad cynnal a chadw gostyngedig i fyfyrwyr.

Atodiad 2

Atodlen 2: Amserlen Ad-dalu - Myfyrwyr o'r DU

AMSERLEN AD-DALU YN UNOL Â'R CYTUNDEB ARIANNU YMA DAN GYNLLUN BWRARIAETH CYMRU

Swm yr Arian sydd yn ad-daladwy***

Cwrs 3 blynedd

Cwrs 2 flynedd

1

Yn cwblhau Cwrs Addysg Iechyd ond nid yn gweithio yng Nghymru yn unol â chymalau 10.1, 10.3 a 12.1.2 Telerau ac Amodau'r Fwrsariaeth.

£25,500 £17,000*

2

Gadael Cyflogaeth Addas fel y nodir hynny yng nghymalau 10.4 a 12.1.3 Telerau ac Amodau'r Fwrsariaeth cyn cwblhau'r ymrwymiad i gyflogaeth.

i Gadael o fewn y 6 mis cyntaf £25,000 £17,000

ii Gadael ar ôl 6 mis ond cyn cwblhau 1 flwyddyn o wasanaeth £19,125 £12,750

iii

Gadael ar ôl 1 flwyddyn ond cyn cwblhau 18 mis o wasanaeth £12,750 £8,500

iv Gadael ar ôl 18 mis ond cyn cwblhau 2 flwyddyn o wasanaeth £8,500 DIM

v Gadael ar ôl 2 flynedd o wasanaeth DIM DIM

3 Trosglwyddo opsiynau ariannu rhan o'r ffordd drwy'r Cwrs Addysg Iechyd fel y nodir hynny yng nghymal 9.2 y Telerau ac Amodau.

i

Yn ystod neu ar ddiwedd blwyddyn gyntaf eich Cwrs Addysg Iechyd gallwch ddewis i naill ai a) ad-dalu'r swm o £8,500 neu b) gweithio mewn Cyflogaeth Addas yng Nghymru am 8 mis ar ôl cwblhau eich Cwrs Addysg Iechyd.

£8,500 £8,500

ii.

Yn ystod neu ar ddiwedd ail flwyddyn eich Cwrs Addysg Iechyd gallwch ddewis i naill ai a) ad-dalu'r swm o £17,000 neu b) gweithio mewn Cyflogaeth Addas yng Nghymru am 18 mis ar ôl cwblhau eich Cwrs Addysg Iechyd.

£17,000 £17,000

Atodlen 3: Amserlen Ad-dalu - Myfyrwyr o'r UE nad ydynt wedi byw yn y DU am gyfnod o dair blynedd cyn cyflwyno eu cais am arian.

AMSERLEN AD-DALU I FYFYRWYR O'R UE: YN UNOL Â'R CYTUNDEB ARIANNU YMA DAN GYNLLUN BWRARIAETH CYMRU

Swm yr Arian sydd yn ad-daladwy

Cwrs 3 blynedd

Cwrs 2 blynedd

1

Yn cwblhau Cwrs Addysg Iechyd ond nid yn gweithio yng Nghymru yn unol â chymalau 10.1, 10.3 a 12.1.2 Telerau ac Amodau'r Fwrsariaeth.

£22,500 £15,000*

2

Gadael Cyflogaeth Addas fel y nodir hynny yng nghymalau 10.4 a 12.1.3 Telerau ac Amodau'r Fwrsariaeth cyn cwblhau'r ymrwymiad i gyflogaeth.

i Gadael o fewn y 6 mis cyntaf £22,000 £15,000

ii Gadael ar ôl 6 mis ond cyn cwblhau 1 flwyddyn o wasanaeth £16,875 £11,250

iii Gadael ar ôl 1 flwyddyn ond cyn cwblhau 18 mis o wasanaeth £11,250 £7,500

iv Gadael ar ôl 18 mis ond cyn cwblhau 2 flwyddyn o wasanaeth £7,500 DIM

v Gadael ar ôl 2 flynedd o wasanaeth DIM DIM

3

Gadael y cwrs fel y nodir hynny yng nghymalau 8.1 a 12.1.1 y Telerau ac

Amodau.

i Yn ystod y flwyddyn gyntaf £7,500 £7,500

ii Yn ystod yr ail flwyddyn £15,000 £15,000

iii Yn ystod y drydedd flwyddyn £22,500 ddim yn berthnasol

* Nid yw hynny yn cynnwys PG Dip Dietetigau oherwydd bod model ariannu ar wahân yn gymwys